

集古官印考

集古官印攷卷四

嘉定瞿中溶編輯

男樹鎬校刊



印存

右印文曰中壘校尉案百官公卿表中壘校尉掌北軍壘門內外掌西域師古曰掌北軍壘門之內而又外掌西域百官志北軍中候本注曰舊有中壘校尉領北軍營壘之事中興省中壘但置中候以監五營則此印爲西京物

大年據印史摹補



右印文曰中壘左執姦攷王莽傳言建國四年復明
六筦之令天下愈愁盜賊起納言馮常以六筦諫莽
大怒免常官置執法左右刺姦此印文五字正與莽
制合其爲即莽所置執法刺姦之官無疑新篁張叔
未所得也



顧譜

右印文曰北軍中候案百官志北軍中候一人六百石本注曰掌監五營漢官曰吏員七人候自得辟名大鴻臚一人斗食

桂氏



右印文曰城門校尉案百官公卿表城門校尉掌京師城門屯兵有司馬十二城門候百官志城門校尉

一人比二千石本注曰掌雒陽城門十二所此印亦見翁氏兩漢金石記

大年據印正摹補印史印萃金索並有



桂氏

右印文曰越騎司馬案百官公卿表武帝初置八校尉其屬皆有丞司馬一曰越騎校尉掌越騎如淳曰越人內附以爲騎也百官志越騎校尉一人比二千石本注曰掌宿衛兵司馬一人千石

大年據明程氏遠古今印則摹補印史印萃金索
並有



顧譜龜鈕

右印文曰司隸校尉案百官公卿表司隸校尉周官
武帝征和四年初置持節從中都官徒千二百人捕
巫蠱督大姦猾後罷其兵察三輔三河宏農元年初
元四年去節成帝元延四年省綏和二年哀帝復百
官志司隸校尉一人比二千石本注曰成帝省建武

中復置并領一州

依表當云哀帝復置
建武中并領一州

顧諸鼻鈕



右印文曰司隸從事案百官志司隸校尉從事史十
二人本注曰都官從事主察舉百官犯法者功曹從
事主州選署及衆事別駕從事校尉行部則奉引錄
衆事簿曹從事主財穀簿書其有軍事則置兵曹從
事主兵事其餘部郡國從事每郡國各一人主督促
文書察舉非法皆州自辟除故通爲百石云攷隸釋

有司隸從事郭究碑正與此印合可知當時並不分都官功曹等名目也百官公卿表不言司隸校尉有從事蓋東京始增設耳



印統

右校尉之印案百官公卿表自司隸至虎賁校尉秩皆二千石西域都護加官宣帝地節二年初置以騎都諫大夫使護西域三十六國有副校尉秩比二千石丞一人司馬候千人各二人惟此印但稱校尉未

知何屬然史但稱校尉者亦甚多蓋皆領軍將軍及都尉之屬也

龜鈕

右校尉之印章攷王莽傳地皇八年有校尉萬二千五百人又賜縣宰號爲校尉此印文爲五字與莽制合當爲莽時印故傳世多於前四字者而印文校字亦多不同集古印譜所載析尉一印亦即校尉之誤也尉印似不應稱印章而用龜鈕也

印統

右校尉丞印詳上

右校尉丞之印以五字爲文恐亦王莽時物

右印文曰校尉左千丞案百官公卿表言校尉丞一

人司馬候千人各二人戊巳校尉元帝初元年置有
丞司馬各一人候五人秩比六百石又王莽傳言有
校尉萬二千五百人又賜縣宰號爲校尉此印文爲
五字與王莽時印合則亦當是莽所置之官

范氏瓦鈕

右校尉候印案此即司馬下五人之候也

范氏鼻鈕



右騎千人印案公卿表言校尉屬官有千人而續漢
郡國志武威郡有左騎千人官張掖屬國亦有左騎
及千人司馬官千人官此印以騎千人爲文似并左
騎與千人合爲一官未知其審武威郡故匈奴休屠
王地而張掖屬國乃武帝置屬國都尉以主蠻夷降
者其所云左騎千人似皆地名與校尉之千人異則
其官稱爲騎千人或設一官主二城故云騎千人歟

右印文曰中軍校尉攷後漢書靈帝紀中平五年八月初置西園八校注引樂資山陽公載記曰小黃門蹇碩爲上軍校尉虎賁中郎將袁紹爲中軍校尉屯騎校尉鮑鴻爲下軍校尉議郎曹操爲典軍校尉趙融爲助軍校尉馬方爲助軍右校尉諫議大夫夏牟爲左校尉淳于瓊爲右校尉凡八尉皆統於蹇碩則此即袁紹之印也

桂氏

右印文曰典軍校尉詳上

大年據印正摹補

桂氏

右印文曰贊軍校尉案此當即典軍校尉之類亦漢末校尉之名也

大年據印正摹補

右衛騎校尉章攷西漢有屯騎越騎胡騎等校尉東漢末曹操爲驍騎校尉此云衛騎蓋其類也印文五字或是莽所置之官

龜鈕

龜鈕

右印文曰武猛校尉集古印譜曰建安中吳潘璋爲武猛校尉魏齊王芳嘗祀武猛校尉典韋於太祖庭韋以建安二年死事也中涓攷隸續無名碑陰有武猛校尉口邵

張氏顧譜鼻鈕

右印文曰綏民校尉案綏民校尉不見於兩漢表志
集古印譜曰今道縣有漢故綏民校尉騎都尉桂陽
曲紅灌陽長熊君碑篆額與此印無異中溶攷洪景
伯隸釋跋云灌陽縣是劉表初命熊君置綏民校尉
亦表所創者與高頤褒義校尉相類漢末王政不綱
始建牧伯諸劉在荆擅權專恣無尊獎王室之心名
官置縣皆不以告故史氏逸而不書

顧譜龜鈕

右印文曰建威校尉山左金石志云魏書官氏志始有建威將之名未云有建威校尉然校尉乃將軍屬官豈爾時亦可借此銜邪予謂以後建威偏將校尉證之則此疑是建威將軍之屬建威將軍詳後

顧譜

右印文曰建威偏將校尉當即建威偏將軍之屬不

言軍省文也言偏將者別于將軍也

右印文曰大師軍壘辟前和門丞愚謂大師當是王者統六軍之衆親行征伐即毛詩整我六師周禮大宗伯所謂大師之禮用衆也軍壘辟者夏官量人云營軍之壘舍又史記淮陰侯傳言深溝高壘漢書英布傳則言深溝壁壘也蓋壘高如壁故謂之壁壘而史記白起傳云趙軍築壘辟而守之秦又攻其壘取

二尉敗其陣奪西壘壁即此印文所云軍壘壁前是也下云和門者攷周禮大司馬中冬教大閱遂以狩田以旌爲左右和之門羣吏各帥其車徒以叙和出左右注云軍門曰和今謂之壘門立兩旌以爲之叙和出用次第出和門也疏云漢時軍壘爲門名曰壘門與古和門同又攷漢書百官公卿表執金吾屬官有中壘寺互武庫都船四令丞都船武庫有三丞中壘兩尉其丞皆千石又言八校尉皆武帝初置有丞司馬秩皆二千石西域都護加官其一曰中壘校尉

掌北軍壘門內外掌西域師古曰掌北軍壘門之內而外掌西域是也凡行軍將軍之下皆有校尉及丞此印文云大師軍壘辟前和門丞蓋軍中所置守壘門之丞和門即壘門亦即史記周勃世家所謂亞夫乃傳言開壁門之壁門也漢表言中壘兩尉史記言秦攻趙軍之壘取二尉是行軍之壘正如中壘校尉之有丞且有兩尉矣拾遺記載瑯琊王溥先時家貧穿井得鐵印銘曰傭力得富錢至億庾一土三田軍門主簿後以一億錢輸官得中壘校尉掌北軍壘

門故曰軍門主簿是校尉可稱主簿非丞尉之外別有主簿也和門丞不詳於百官表而考漢自武帝開邊用兵西域置校尉丞等官今玩此印篆書工整有法非魏晉以下之印可比且稱軍壘辟與史記白起傳合又稱和門與周官大司馬文合詳其文義古奧必是武帝開邊時軍營所置之官印真西漢初物可以補漢表之缺略者也戊戌七月姑蘇董二坡得此印示予乃詳攷之

右屯田丞印攷漢書百官表戊巳校尉元帝初元元年置有丞司馬各一人候五人秩比六百石又農都尉武帝初置而宣帝神爵元年趙充國爲後將軍征西羌上言屯田之計未詳設立有官惟攷王莽傳趙並使營北邊還言五原北假膏壤殖穀異時常置田官乃以並爲田禾將軍發曳卒屯田北假以助軍糧又西域傳渠犂城自武帝初通西域置校屯田渠犂

續漢書百官志邊郡置農都尉主屯田殖穀又西域
傳元帝置戊巳二校尉屯田於車師王庭後明帝命
將帥北征匈奴取伊吾盧地置宜禾都尉以屯田遂
通西域于寘諸國章懷注引漢官儀曰戊巳中央鎮
覆四方又開渠播種以爲厭勝故稱戊巳焉車師有
前王後王國也然則戊巳校尉與農都尉宜禾都尉
皆主屯田之事農都尉宜禾都尉史皆未詳其有丞
此印文云屯田丞者其卽戊巳校尉之丞歟

印存

右印文曰護軍中尉攷漢書匈奴傳御史大夫韓說
爲護軍將軍護四將軍以伏單于又宋書百官志云
護軍將軍一人掌外軍秦時護軍都尉漢因之陳平
爲護軍中尉盡護諸將然則後以都尉爲中尉矣武
帝元狩四年以護軍都尉屬大司馬于時爲都尉矣
李廣傳廣爲驍騎將軍屬護軍將軍蓋護軍護諸將
軍

印叢駝鈕顧譜鼻鈕

右印文曰護軍之印案百官公卿表護軍都尉秦官
武帝元狩四年屬大司馬成帝綏和元年居大司馬
府比司直哀帝元壽元年更名司寇平帝元始元年
更名護軍放漢書匈奴傳貳師將軍遣護軍將二萬
騎則將軍亦別有護軍爲將軍之屬矣

范氏鼻鈕

印存

右護軍印章二改之印爲印章當非同時物下印且
左行

右護軍之印章案印文五字當是王莽時物

右中部護軍章吳門王月鋤藏攷宋書百官志言班
固爲太將軍中護軍隸將軍幕府非漢朝列職而攷

漢志言大將軍營有五部則中護軍當即中部之護軍也此印稱中部護軍章五字與莽制諸印合當亦是莽時物中部詳後中部偏將軍印

將軍

漢書百官公卿表太尉秦官金印紫綬掌武事武帝建元二年省元狩四年初置大司馬以冠將軍之號宣帝地節三年置大司馬不冠將軍亦無印綬官屬成帝綬和元年初賜大司馬金印紫綬置官屬祿比丞相去將軍哀帝建平二年復去大司

馬印綬官屬冠將軍如故元壽二年復賜大司馬
印綬置官屬去將軍位在司徒上有長史秩千石
前後左右將軍皆周末官秦因之位上卿金印紫
綬漢不常置或有前後或有左右皆掌兵及四夷
有長史秩千石續漢書百官志將軍不常置本注
曰掌征伐背叛比公者四第一大將軍次驃騎將
軍次車騎將軍次衛將軍又有前後左右將軍初
武帝以衛青數征伐有功以爲大將軍欲尊寵之
以古尊官惟有三公皆將軍始自秦晉以爲卿號

故置大司馬官號以冠之其後霍光王鳳等皆然
成帝綏和元年賜大司馬印綬罷將軍官世祖中
興吳漢以大將軍爲大司馬景丹爲驃騎大將軍
位在公下及前後左右雜號將軍衆多皆主征伐
事訖皆罷明帝初即位以弟東平王蒼有賢才以
爲驃騎將軍以王故位在公上數年後罷章帝即
位西羌反故以舅馬防行車騎將軍征之還後罷
和帝即位以舅竇憲爲車騎將軍征匈奴位在公
下還復有功遷大將軍位在公上復征西羌還免

官罷安帝即位西羌寇亂復以舅鄧騭爲車騎將軍征之還遷大將軍位如憲數年復罷自安帝政治衰缺始以嫡舅耿寶爲大將軍常在京都順帝即位又以皇后父兄弟相繼爲大將軍如三公焉長史司馬皆一人千石本注曰司馬主兵如太尉從事中郎二人六百石本注曰職參謀議掾屬二十九人令史及御屬三十一人本注曰此皆府員職也又賜官騎三十人及鼓吹其領軍皆有部曲大將軍營五部校尉一人比二千石軍司馬一人

比千石部下曲曲有軍侯一人比六百石曲下有屯屯長一人比二百石其不置校尉部但軍司馬一人又有軍假司馬假侯皆爲副貳其別營領屬爲別部司馬其兵多少各隨時宜門有門侯其餘將軍置以征伐無員職亦有部曲司馬軍侯以領兵

顧譚

右大將軍印章詳前攷蔡質漢儀曰漢興置大將軍

驃騎位次丞相又漢書王莽傳賜諸州牧號爲大將軍此以印章二字連用以成五字似是王莽時物宋王氏嘯堂集古錄已載此印

右印文曰從事中郎案續漢書百官志言順帝即位又以皇后父兄相繼爲大將軍如三公焉其官屬有長史司馬又有從事中郎二人六百石職參謀議此即是也印文見翁氏兩漢金石記

大年據印正摹補

鼻鈕

右左大將軍章攷邳彤以後大將軍拔邯鄲則此左
大將軍或亦其時所有又在後將軍左將軍之上而
爲大將軍之副貳也

右廣漢大將軍章

右印文曰大將軍中士攷王莽改秩四百戶者曰中
士此印五字與莽制合可知王莽時大將軍下有此
官餘詳下偏將軍中士下印爲吳門王月鋤藏

鼻鈕



右軍司馬印案軍司馬爲大將軍之屬官詳前七修
類稿有此印云軍字頭與舊印譜上者不同彼倒右

此倒左也馬字中畫彼不通此通第三點此印首見
嘯堂集古錄

龜鈕

右軍司馬之印案此印文加之字足成五字當是王
莽時印

鼻鈕



右印文曰軍假司馬案言假與軍司馬有別上一印

以段爲假而左旁作叵未合六書下一印𠂔作𠂔則更繆矣今時此印甚多其文不同大約有此三等案七修類稿載與第二印文同第讀法自左及右云王順伯印譜鄭宗晦漢印式吾子行學古編軍字上有轉筆而其印獨右向假字人旁亦从右邊馬字一點係隸法俱不如此印古拙也此印已見嘯堂集古錄

鼻鈕



右假司馬印集古印譜曰前漢班超以假司馬使西

域七修類稿曰耿夔爲車騎將軍竇憲假司馬山左金石志云案詔假司馬假司馬軍假司馬文雖不同同一司馬副貳官也假司馬官見漢書趙充國傳中溶案又見西羌傳司馬等官當爲將軍之屬非副貳也

印存鼻鈕



右印文曰詔假司馬案詔假司馬當與假司馬有別

鼻鈕

查氏張氏



右印文曰別部司馬亦大將軍之屬官攷後漢書靈
帝紀中平五年巴郡板楯蠻叛遣上軍別部司馬趙
瑾討平之又延熹中抗徐以中郎將宗資別部司馬
平太山賊封東鄉侯見熊方補表此等印今世留傳
頗多斯字有斯斯斯斯之異韻字又有作韻韻
韻韻者不可悉數又見有反文者此印首見嘯堂集
古錄

顧譜鼻鈕

右軍司馬丞印攷漢書匈奴傳有戊巳校尉史陳良終帶司馬丞韓元右曲候任商此軍司馬丞疑即司馬丞也此印文五字亦當爲王莽時物

口存

右印文曰營軍司馬丞案印文五字疑亦王莽時物首加營字後去印字當與前但稱軍司馬丞有別亦

莽所增也

鼻鈕

右軍曲候印案軍曲候乃大將軍之屬官曲爲軍之
小名故不言曲軍而言軍曲也首見嘯堂集古錄

范氏龜鈕

顧謹龜鈕

右軍曲候之印案文加之合成五字當是王莽時印

金氏龜鈕顧譜同

右軍曲侯丞印案史志不言軍曲侯有丞此印文五字蓋亦王莽所改置之官也

查氏

右軍侯之印文以之字足成四字則與軍曲侯軍假侯俱有別蓋即志所謂其餘將軍亦有軍侯是也

顧諸鼎鈕

右印文曰軍候司馬据此印似軍候亦有司馬與軍司馬有別

鼎鈕

右軍假候印案此云假似別乎軍候也與軍假司馬同意

桂氏


右印文曰敦德尹曲後侯攷地理志敦煌郡武帝後
元年分酒泉置莽曰敦德又王莽傳始建國元年改
郡太守曰大尹都尉曰右尉令長曰宰又天鳳元年
莽以周官王制之文置卒正連率大尹職如太守屬
令屬長職如都尉置州牧郡監二十五人見禮如三公
監位上大夫各主五部公氏作牧侯氏卒正伯氏
連率子氏屬令男氏屬長皆世其官其無爵者爲尹

則此敦德尹蓋卽是矣證以後有木平尹丞印印文亦止稱尹不稱大尹宜爲莽時物惟印文六字與莽印不合耳

龜鈕

右印文曰壓戎甯曲前侯攷王莽改隴西郡爲壓戎壓卽厭字又云曲前侯則與前曲後侯似同意惟甯字無屬而印文六字亦與莽制不合侯更攷之此印文先見於桂未谷繆篆分韻丙申冬仲武林友人徐

問遠以印本見貽云周駕堂所藏



鼻鈕

右部曲將印攷隸續無名碑陰有口部司馬裨將軍
武猛中郎將武猛校尉軍司馬武猛都尉上皆云部
曲將乃知此係部將之總名蓋即所謂將軍領軍皆
有部曲是也

顧諸鼻鈕

右印文曰副部曲將攷副部曲將亦見隸續無名碑陰

右左將軍印詳前

印存

右右將軍印詳前攷史記將相名臣年表元狩四年
主爵趙食其爲右將軍擊單于又元鳳元年九月光

祿勲張安世爲右將軍

范氏鼻鈕

龜鈕額譜鼻鈕

右偏將軍印攷後漢書更始以光武爲偏將軍如吳漢寇恂馮異等亦皆爲之此印已見嘯堂集古錄

范氏瓦鈕

右偏將軍印章案此以章足成五字當亦王莽時印攷漢書王莽傳賜郡卒正連帥大尹爲偏將軍時有

百二十五人

顧諸龜鈕

右印文曰偏將軍中士攷王莽傳始建國元年更名秩百石曰庶士三百石曰下士四百石曰中士五百石曰命士六百石曰元士四年賜郡卒正連帥大尹號爲偏將軍則此爲莽時印無疑故印文亦五

顧諸

右中部偏將軍章案郡國志云大將軍營五部此云中部蓋居其中之一部也偏將軍見前又攷王莽傳大司馬大司徒大司空所保之官皆有中部大司馬下服虔曰大司馬保此官皆如郡守也又王莽復賜諸州牧號爲大將軍郡卒連帥大尹爲偏將軍然此印非五字與莽制不合

桂氏

右左部偏將軍章攷王莽傳東岳太師立國將軍保

東方三州一部二十五郡南嶽太傅前將軍保南方
二州一部二十五郡西嶽國師甯始將軍保西方一
州二部二十五郡北嶽國將衛將軍保北方二州一
部二十五郡又大司馬所保之官有中部左洎前七
郡大司徒所保有中部右部大司空所保亦有中部
及六司六卿皆隨所屬之公保其災害又隸續建安
二十六年黃龍甘露碑有益州前部左部右部等司
馬司馬乃將軍屬官則偏將軍當與之同而大於司
馬也此印似與前同爲莽制而文亦六字不合

范氏瓦鈕

印統龜鈕

右裨將軍印章攷漢書王莽傳言裨將軍千二百五十人又賜令長號爲裨將軍此印文五字其爲莽時物無疑

右印文曰行裨將軍章此加行字而去印字以五字爲文與王莽制合當亦莽時印裨當从衣旁此誤示

右裨將軍章案宋書百官志裨將軍列於四十號將軍之末云或是漢末及魏所置然據王莽傳則西京已有此名矣此印制度不工整或是軍中艸率鐫鑿否即後代之印也裨字當从衣旁而誤从示隸變相亂耳

右印文曰前將軍軍司馬言前將軍軍司馬者別於大將軍及諸將軍也攷史記年表元狩四年李廣爲前將軍又漢書匈奴王莽諸傳亦屢見前將軍等

查氏

右印文曰前將軍司馬案此印去一軍字以五字爲文蓋王莽時印也

印存

右印文曰後將軍軍司馬案此與前將軍軍司馬同意攷史記年表元朔六年郎中令李廣爲後將軍屬大將軍衛青又元狩四年平陽侯曹襄爲後將軍擊單于



印存

右印文曰後將軍假司馬案此與前同意



鼻鈕

右印文曰左將軍軍司馬案此與前同意攷史記年表元朔六年太僕公孫賀爲左將軍屬大將軍衛青又元封二年秋左將軍荀彘出遼東朝鮮

印存金氏鼻鈕

右印文曰左將軍假司馬與前同意

印存

右印文曰偏將軍假司馬與前同意

印叢鼻鈕顧諸瓦鈕

右印文曰後將別部司馬宰 後將軍之別部司馬也印取六字成文故去軍字而言後將亦別於大將軍與諸將軍也

印存金氏鼻鈕顧諸瓦鈕

右印文曰左將別部司馬與前同意

顧譜鼻鈕

右印文曰右將別部司馬與前同章

范氏龜鈕

右猥司馬之印案司上一字右旁不可辨其文五字與王莽印合姑附此

式芬案漢書楊敞傳騶馬猥佐如淳曰騶馬以給使乘之佐主猥馬吏也有史有佐此印曰猥司馬

知主猥馬者史佐之外尙有司馬也

集古官印攷卷五

嘉定瞿中溶編輯

男樹鎬校刊

桂氏

右印文曰貳師將軍印攷漢書武帝紀太初元年八月遣貳師將軍李廣利發天下謫民西征大宛注張晏曰貳師大宛地名又見本傳及匈奴傳

大年據印史摹補

吳氏



右印文曰伏波將軍章攷史記漢興以來將相名臣
年表元鼎五年衛尉路博德爲伏波將軍在桂陽破
南越集古印譜曰案伏波將軍前漢路博德後漢馬
援陳登夏侯惇魏滿寵甄像孫禮盧欽晉孫秀葛洪
陶延皆爲此官魏晉宋五品後魏比齊從五品梁四
班後周五命其名其人不一而邵公濟記此印據犬
文內嚮直以爲馬新息所假印恐未必然使犬文外

嚮尙可立說爲路或爲馬侯先所假者內向者乃其
常援既正之後自不應復誤據內向便爲馬侯未爲
至論又謂伏波云者止博德與援攷之不審矣印文
大而巧鈕不合制疑六朝後物也河南邵博論曰客
有行雲陽嵯峨山中得古印寸餘塗金駝鈕其文曰
伏波將軍章蓋漢印字用五土數也然漢有兩伏波
前將軍邳離路博德也後將軍新息馬援也予攷其
篆畫知其爲馬援印焉案世祖建武十七年交趾女
子徵側反攻沒其郡九真日南合浦蠻夷皆應之寇

略領外六十餘城側自立爲王詔拜馬援伏波將軍
印書伏字犬文向外恐天下不正者多符印所以爲
信也所宜齊同薦曉古文字者事下大司空正郡國
印章奏可以路博德在援之前未經是正其印犬文
外向無疑此印犬文內向是後改定者爲援印也明
矣以漢百官志攷之將軍不常置皆主征伐事訖則
已曰大將軍驃騎前後左右將軍其名其人不一而
以伏波上博德與援也蓋皆水戰援既南征將樓船
二千艘戰士二萬餘斬五千級降以萬計斬其魁傳

首京師方其轂牛醜酒勞饗軍士官屬慷慨相語其
意氣盛矣當時萬里之外一軍之中視此方寸印爲
何如哉豈亦自料後此千餘載委於荆菅瓦礫之地
爲牛童馬卒之所得也好事者百金可贖也又況不
以功業取富貴欲其區區傲天下而垂後世斯惑矣
此印亦見范氏印譜文畧同云鍍金龜鈕蓋先爲范
所藏也

右輕車將軍章案宋書百官志輕車將軍漢武帝以公孫賀爲之

顧譜龜鉏



右奮武將軍章攷史記年表永元二年七月太常任千秋爲奮武將軍擊西羌又見馮奉世傳元帝紀及沈約宋書皆作奮威又漢書王莽傳遣奮武將軍王駿出張掖集古印譜曰奮武將軍後漢末呂布爲之中洛攷三國魏志王允以呂布爲奮威大將軍亦作

威且有太字自此以後皆志所謂雜號將軍也

印存


右奮威將軍章詳前



顧譜龜鈕

右振武將軍章案宋書百官志云振武將軍前漢末王況爲之中潞攷漢書王莽傳始建國元年十二月遣振武將軍王嘉出代郡

印統龜鈕



右虎牙將軍章案宋志以虎牙將軍列於四十號將軍內云或是後漢及魏所置中涓攷漢書王莽傳詔云大司空隆新公宗室戚屬前以虎牙將軍東指則反虜破壞又拜藺苞爲虎牙將軍又匈奴傳以雲中太守田順爲虎牙將軍又王莽拜藺苞爲虎牙將軍則非始於後漢明矣沈休文之言多未可信此印亦見范譜其文略同云鍍金龜鈕

顧譜塗金龜鈕

右征虜將軍章攷東觀漢記祭遵爲征虜將軍廉潔
奉公光武歎曰安得憂國奉公如祭征虜者乎宋書
百官志征虜將軍漢光武建武中始以祭遵居之



范氏龜鈕
印存

右建威將軍章攷史記年表永光二年七月雲中太
守韓次君爲建威將軍擊羌後不行宋志建威將軍

漢光武建武中以耿弇爲建威大將軍乃在其後且有
大字非也東觀漢記亦有大字

印叢

右印文曰建威偏將軍當是耿弇所爲大將軍之副
然印文五字而無章字似王莽時物

吳氏孔氏龜鈕

范氏

右建義將軍章攷東觀漢記曰光武以朱祚爲建義

將軍攻朱鮪而後漢書朱祐傳作建義大將軍有大
字似誤衍

奎氏

右揚武將軍章攷宋志揚武將軍光武建武中以馬
成爲之此印四圍有界線與前龍額侯及廣阿侯夫
人二印同此印亦見范譜其文不異云鍍金龜鈕蓋
先藏范氏也

印統

查氏

右振威將軍章攷宋志振威將軍後漢初宋登爲之
下一印較小文亦不同

范氏龜鈕

龜鈕

右材官將軍章四圍有界與前印相似攷宋書百官
志云材官將軍漢武帝以李息爲之下印形制大而
字不整齊當是後代物

印統桂氏

右鎮北將軍章攷宋志有鎮北將軍言鎮東鎮西鎮
北三將軍皆後漢置

顧譜

右揚烈將軍章攷宋志揚烈將軍漢建安中以假公
孫淵翁閣學方綱兩漢金石記云獻帝初平三年六
月以郭汜爲揚烈將軍胡三省通鑑注揚烈將軍蓋

始於是

右虎威將軍章案虎威將軍見宋志四十號將軍內
云漢建安中于禁居之

金氏龜鈕塗金



右輔國將軍章攷宋志輔國將軍漢獻帝以伏完居
之

龜鈕



右折衝將軍章攷宋志折衝將軍漢建安中魏武以
樂進居之

范氏鍍金龜鈕



印叢龜鈕顧諱

右鷹揚將軍章攷宋志鷹揚將軍漢建安中魏武以
曹洪居之

集古官印攷

卷五

八

印存顧譜
龜鈕

印存

右建武將軍章集古印譜曰建武將軍漢韓安國王
晏並爲之則宋志謂建武將軍魏置非也

查氏

右掃寇將軍章案掃寇將軍見宋志四十號內以下
皆同

印叢龜鈕

右宣威將軍章

顧諸



金氏龜鈕

右凌江將軍章下一印似亦凌江之繆體

顧諸龜鈕

右綏邊將軍章

金氏龜鈕

右掃虜將軍章

桂氏

右綏戎將軍章

大年據印史摹補

桂氏

右威武將軍章

桂氏

右强弩將軍之章詳前强弩都尉印下此印多之字與前諸印不類恐非同時物

大年據印萃摹補案桂氏繆篆弩下注無之字



右平難將軍章攷平難將軍不見於宋書隋書諸志

而形制字文不似漢以後物故附漢將軍各印之末

顧諱龜鈕

右討薺辦軍印案辦軍之名不見於官志討薺辦軍
當即討薺將軍之副貳攷漢書王莽傳始建國四年
嚴尤奏言匈奴未克夫餘穢貉復起此大憂也莽不
尉安穢貉遂反以尤爲討穢將軍此印五字正與王
莽時印制合當爲莽時物辦軍之名蓋亦莽所創也
穢乃薺之俗字匈奴傳直上谷以東接穢貉朝鮮亦

作穢而莽傳濊貉又从水作濊又武帝紀元朔元年
東夷穢君南閭等二十八萬人降爲蒼海郡晉灼曰
穢古穢字又嚴安上書云略穢州師古曰穢州是地
名歲與穢通音穢即古濊貉國本朝鮮地漢武置滄
海郡又地理志元菟樂浪武帝時置皆朝鮮濊貉勾
驪蠻夷師古曰濊音穢字或作穢其音同而鄭康成
注周禮秋官蜡氏穢惡反考工記草穢敗穢皆作穢
字又攷後漢書明帝紀永平元年烏桓濊貊咸來助
祭安帝紀元初五年六月高句驪與穢貊寇元菟後

又屢見又東夷傳自單單大領以東沃沮濊貊悉屬
樂浪又三國魏志云自單單大山領以西屬樂浪自
領以東七縣都尉主之皆以穢爲民又晉書東夷傳
夫餘國在元菟北千餘里南接鮮卑北有弱水地方
二千里其國殷富自先世以來未嘗被破其印文稱
穢王之印國中有古穢城本穢貊之城也又太平寰
宇記云穢亦朝鮮之地後漢光武帝封其渠帥爲縣
侯皆歲時朝賀無大君長自漢以來其官有侯邑君
三老統主下戶其耆舊自謂與高句麗同種言語法

俗大抵相類魏齊王正始六年濊侯等舉邑降四時
詣樂浪帶方二郡朝謁並今東夷之地有軍政賦調如華人
焉又云東沃沮國後漢通焉初衛滿王朝鮮時沃沮
屬焉至漢武帝平朝鮮分其地爲四郡以沃沮城爲
元菟郡後爲夷貊所侵徙郡於高句麗西北至光武
以其渠帥爲縣侯不耐華麗沃沮諸縣皆爲侯國後
漢末猶置功曹主簿諸曹皆穢人作之其諸邑落渠
帥皆自稱三老則故縣國之制也後以國小迫於大
國之間遂臣屬勾麗

范氏鼻鉏

右印文曰輔國將軍長史輔國將軍見前長史乃其屬官也

右印文曰鎮南軍假司馬案宋志有四鎮將軍云鎮南將軍一人後漢末劉表居之此假司馬或是其屬官

斗叢龜鈕顧諸鼻鈕

右印文曰强弩司馬案强弩司馬當即强弩將軍之
司馬据此知雜號將軍亦置司馬攷史記年表元朔
五年李沮爲强弩將軍屬大將軍衛青擊匈奴又神
爵元年四月樂成侯許延壽爲强弩將軍

印存

右印文曰輔國司馬案當即輔國將軍之司馬與强

弩司馬同輔國將軍見前

顧譜

右印文曰強弩假候案與強弩司馬同意据此知雜號將軍亦有假候也不云軍假候者蓋印以四字爲文故省去也

顧譜鼻鈕

右印文曰橫海候丞攷史記衛將軍傳將軍韓說以

待詔爲橫海將軍擊東越有功爲按道侯則此當是橫海將軍之候丞也史言諸校尉有丞而將軍部下亦有校尉前有軍曲候丞印當是大將軍之候丞據此知雜號將軍亦有候丞矣皆可補史之闕略

顧譜瓦鈕

右立義丞印集古印譜曰前漢表凡校尉都尉皆有丞漢建安中龐德爲立義將軍吳孫和以屈幹爲立義都尉

顧譜

右印文曰立義從事案立義從事當亦立義將軍之屬官百官志言將軍有從事中郎二人蓋從事一人中郎一人此即其從事也漢末以後往往以從事中郎爲一人并据此知雜號將軍亦有從事矣

范氏鼻鈕

鼻鈕顧譜吳氏

右印文曰立義行事案集古印譜引吳孟思西域傳

車師後王殺燉煌行事注行事謂行掌史事漢桂陽太守周憬碑陰有故行事耒陽華夏蜀志馬騰爲軍行事領部衆中涓案後漢書西域傳永甯元年後王軍就及母沙麻反畔殺部司馬及燉煌行事注云和帝時置戊巳校尉鎮車師後部行事謂前行長史索班攷隸釋孔廟置百石孔龢碑有行長史事司隸校尉楊孟文石門頌及巴郡太守張納碑陰俱有行丞事此印文云立義行事立義乃雜號將軍將軍下有長史又校尉下有丞則此所云行事者即行長史或

丞事也古今注言郡太守諸侯相病丞長史行事則
即可以丞或長史行太守侯相之事矣下印文稍異
乃予自藏今歸張叔未矣

金氏鼻鈕

右印文曰帳下行事攷隸釋馮煥碑陰及隸續斥彰
長田君斷碑俱有帳下司馬又魯峻石壁畫象有三
帳下騎印文曰帳下行事此必司馬騎之類亦軍中
之稱與立義行事義同宋書州郡志巴東公相下引

譙周巴記云初平六年荊州帳下司馬趙韙建議分
巴郡諸縣漢安以下爲永甯郡又三國魏志甘露五
年高貴鄉公卒注引魏末傳帳下督成濟帥帳下人
出則又在其後矣